



Matej Džišlawa (naprawo) modereruje we Worklecach hižo wjacore lěta halowy koparski turněr młodźiny. Do finalneju hrow předstajiwón zhromadnje z Alojsom Mikławškom (nalěwo, CDU) Andreasom Zschiedrichom, předsydu mjetarskeho kluba HCR Rödertalbielen a wrotarku Ann Rammer. Na lěwym wobrazu Marja Michałkowa (CDU) sobotu popołdnju při kopach ze sydom metrow: Zapósłanča krajneho sejma pak njezamó profi-wrotarku Ann Rammer přewinyć. Foće: Tomaš Šořta

# Klumpaki w finalu nachwatali a skónčnje tola podleželi

## Halowy koparski turněr CDU we Worklecach

„To tola móžno njeje!“, so hrajer Klumpakow Křescan Bejmak mjerzaše a hišće doda, „stajnje druhe městno tu we Worklecach.“ Klumpaki – to je měšane mustwo přečelow z Miłočic, Hórkow, Kozarc, Pěskec, Worklec a Nuknicy – bě w finalu přećiwto Kamjencej spěšnje z 0:2 w zastatku. Fabian Korjeńk a Šćěpan Smoła pak wuslědk na 3:2 zwjertnyšaj. Wurunanju 3:3 krótko do kónca móhli Klumpaki z wjetšej koncentraciju zadžěwać.

W třělenju pokutnych kopow pak běchu hólcý z Kamjenca ći zbožowniši.

Apropos wólne kopy: Kóždy kapitan a samo wjacori prominentni testowachu swoje zamóžnosće w třělenju ze sydom metrow. Profijowa wrotarka Ann Rammer wot 2. zwjazkowneho ligista HCR Rödertalbielen je zhromadnje z předsydu Andreasom Zschiedrichom do Worklec přijěta a za „pčočki“ wabiła. Bohužel bě so profi-wrotar Jan Resimius zranil. Wón

je hižo w 1. zwjazkownej lize hrał a sobotu tež do Worklec přijěć chcył. Ann Rammer pak swój nadawk dosć derje zmištrowa. Hólcý a mužojo třělachu mjenujcy z koparskim bulom na wrotarku, kotryž hewak mjetarske bule wotwobara.

**Kónčny staw koparskeho turněra we Worklecach:** 1. Kamjenc, 2. Klumpaki, 3. Halštrow, 4. Smjerdžaca

Wobdžěliło bě so cyłkownje džesać młodźinskih cyłkow. ■ Tomaš Šořta